

修訂日期 2006/04/12 発行日期 2007/3/7 発行単位 中華電子

大典協會 (CBETA) <http://www.cbeta.org> 資料底本 大正新修

大正藏經 Vol. 12 No. 363 原始資料 蕭鎮国大德提供 維習安大

德提供之高麗藏 CD 經文 北美某大德提供 No. 363 [Nos. 360

362 364]

佛說大乘無量壽莊嚴經卷上西天訳経三蔵朝散大夫試光禄卿明教大

師臣法賢奉 詔訳

如是我聞 一時仏在王舍城鷲峰山中 与大苾芻衆三万二千人俱

皆得阿羅漢 具大神通 其名曰尊者阿若憍陳如 尊者馬勝 尊者

麼瑟比拏 尊者大名 尊者跋多婆 尊者称天 尊者離垢 尊者妙

臂 尊者布闍拏枳曩 尊者憍梵波提 尊者優樓頻螺迦葉 尊者那

提迦葉 尊者舍利子 尊者大目乾連 尊者摩訶迦旃延 尊者摩訶

俱絺羅 尊者劫賓那 尊者摩訶劄那 尊者弥多羅尼子 尊者阿那

律 尊者喜 尊者緊鼻哩拏 尊者須菩提 尊者哩嚩帝 尊者佉禰

囉嚩爾枳曩 尊者摩賀囉倪 尊者波囉野尼枳曩 尊者嚩拘隸曩

尊者阿難陀 尊者羅睺羅 尊者善來 如是等三万二千人俱

爾時尊者阿難 即從座起偏袒右肩 右膝着地合掌頂礼 白仏言

世尊 如来応正等覚 諸根清浄 面色円満 宝刹莊嚴 如是功德

得未曾有 云何所行广大妙行 及過去未来諸仏所行 願為宣説

仏告阿難 善哉善哉 汝為利益一切衆生 懷慈愍心 能問如来微

妙之義 汝今諦聴善思念之 如来応供正遍知 今為汝説

仏告阿難 如過去無量無辺不可思議阿僧祇劫 爾時有仏世尊出

現於世 名曰然灯如来 応正等覚 彼然灯仏前 復有世尊出現世間

名鉢囉多波野輸如来 又彼仏前有仏出世 名発光如来 又彼仏前

有仏出世 名賛那曩識囉護如来 又彼仏前有仏出世 名須弥劫如来  
来 又彼仏前有仏出世 名月面如来 又彼仏前有仏出世 名無垢  
面如来 又彼仏前有仏出世 名無着如来 又彼仏前有仏出世 名  
龍主如来 又彼仏前有仏出世 名日面如来 又彼仏前有仏出世  
名山響音王如来 又彼仏前有仏出世 名須弥峰如来 又彼仏前有  
仏出世 名金蔵如来 又彼仏前有仏出世 名火光如来 又彼仏前  
有仏出世 名不動地如来 又彼仏前有仏出世 名瑠璃光如来 又  
彼仏前有仏出世 名月王如来 又彼仏前有仏出世 名日音如来  
又彼仏前有仏出世 名散華莊嚴如来 又彼仏前有仏出世 名吉祥  
峰如来 又彼仏前有仏出世 名持海慧自在通王如来 又彼仏前有  
仏出世 名施光如来 又彼仏前有仏出世 名大香象光如来 又彼  
仏前有仏出世 名離一切垢如来 又彼仏前有仏出世 名勇猛峰如  
来 又彼仏前有仏出世 名宝光如来 又彼仏前有仏出世 名持多  
徳得通如来 又彼仏前有仏出世 名過日月光如来 又彼仏前有仏  
出世 名最上瑠璃光如来 又彼仏前有仏出世 名慧花開心行出生  
如来 又彼仏前有仏出世 名大華林通王如来 又彼仏前有仏出世  
名一月光如来 又彼仏前有仏出世 名破無明黑暗如来 又彼仏前  
有仏出世 名真珠珊瑚蓋如来 又彼仏前有仏出世 名三乘法自在王  
如来 又彼仏前有仏出世 名獅子海峰自在王如来 又彼仏前有仏  
出世 名梵音声自在王如来 又彼仏前有仏出世 名世自在王如来  
応正等覚明行足善逝世間解無上士調御丈夫天人師仏世尊 而於法  
中 有一苾芻 名曰作法 信解第一 明記第一 修行第一 精進  
第一 智慧第一 大乘第一 爾時苾芻 離自本処来詣仏前 頭面  
礼足於一面立 即以伽他嘆仏面色端嚴 復発広大誓願 頌曰  
如来微妙色端嚴 一切世間無有等

光明無量照十方  
 願我得仏清浄声  
 宣揚戒定精進門  
 智慧广大深如海  
 超過無辺悪趣門  
 亦如過去無量仏  
 為彼群生大導師  
 常行布施及戒忍  
 未度有情令得度  
 我以一切伸供養  
 恒河沙数仏世尊  
 復有十方諸仏刹  
 殊勝莊嚴無等倫  
 所有無辺世界中  
 速生我刹受快樂  
 願我精進恒決定  
 度尽阿鼻苦衆生  
 爾時世尊告阿難言 彼作法苾芻說是偈已 白世自在王如來 我  
 今発阿耨多羅三藐三菩提心 樂求無上正等正覺 唯願世尊 説諸  
 仏刹功德莊嚴 若我得聞 恒自修持嚴土之行 爾時世自在王如來  
 告作法苾芻言 汝自思惟 修何方便 而能成就仏刹莊嚴 苾芻白  
 言 我智慧微淺 不能了知嚴刹之行 如來応正遍知 願為宣説諸  
 仏刹土莊嚴之事 時世自在王如來 即為宣説八十四百千俱胝那由  
 已 白仏言 世尊 彼世自在王仏寿量長短云何説土經於一劫 仏

告阿難 彼仏壽命滿四十劫 阿難 彼作法苾芻 聞仏所說八十四  
百千俱胝那由他仏刹功德莊嚴之事 明了通達如一仏刹 即時會中  
頭面礼足 辞仏而退 往一静処独坐思惟 修習功德莊嚴 仏刹 発  
大誓願 經於五劫 爾時作法苾芻 復詣世自在王如来所 五体投地  
礼世尊足 礼已合掌 白仏言 世尊 如是八十四百千俱胝那由他  
仏刹 功德莊嚴所行行願 我今成就 時世自在王如来告苾芻言  
善哉善哉 汝之行願思惟究竟 今正是時為衆解説 時諸菩薩 聞  
是法已得大善利 能於仏刹修習莊嚴  
爾時作法苾芻 聞仏聖旨 偏袒右肩 右膝着地 合掌向仏 即为宣  
說 世尊 我発誓言 願如世尊証得阿耨多羅三藐三菩提 所居仏  
刹 具足無量不可思議功德莊嚴 所有一切衆生 及焰摩羅界 三  
惡道中地獄餓鬼畜生 皆生我刹 受我法化 不久悉成阿耨多羅三藐  
三菩提 一切皆得身真金色  
世尊 我得菩提成正覺已 十方世界所有衆生 令生我刹 如諸仏  
土 人天之衆 遠離分別諸根寂靜 悉皆令得阿耨多羅三藐三菩提  
世尊 我得菩提成正覺已 十方世界所有衆生 令生我刹 得大神通  
經一念中周遍巡歷百千俱胝那由他仏刹 供養諸仏深植善本 悉皆  
令得阿耨多羅三藐三菩提 世尊 我得菩提成正覺已 所有衆生 令  
生我刹 一切皆得宿命通 能善觀察百千俱胝那由他劫過去之事  
悉皆令得阿耨多羅三藐三菩提 世尊 我得菩提 成正覺已 所有  
衆生 令生我刹 一切皆得清淨天眼 能見百千俱胝那由他世界麁細  
色相 悉皆令得阿耨多羅三藐三菩提 世尊 我得菩提 成正覺已  
所有衆生 令生我刹 一切皆得他心通 善能了知百千俱胝那由他衆  
心心所法 悉皆令得阿耨多羅三藐三菩提 世尊 我得菩提 成正覺  
已 所有衆生 令生我刹 一切皆得住正信位 離顛倒想堅固修習

悉皆令得阿耨多羅三藐三菩提 世尊 我得菩提成正覺已 所有衆  
生令生我剎 所修正行善根無量 遍円寂界而無間斷 悉皆令得阿  
耨多羅三藐三菩提 世尊 我得菩提成正覺已 所有衆生令生我剎  
雖住声聞縁覚之位 往百千俱胝那由他宝剎之内 遍作仏事 悉皆  
令得阿耨多羅三藐三菩提 世尊 我得菩提成正覺已 所有衆生令  
生我剎 一切皆得無辺光明 而能照曜百千俱胝那由他諸仏剎土  
悉皆令得阿耨多羅三藐三菩提 世尊 我得菩提成正覺已 所有衆  
生令生我剎 命不中天 寿百千俱胝那由他劫 悉皆令得阿耨多羅  
三藐三菩提 世尊 我得菩提成正覺已 所有衆生令生我剎 無不  
善名 聞無量無數諸仏剎土 無名無号無相無形 無所稱讚 而無  
疑謗身心不動 悉皆令得阿耨多羅三藐三菩提 世尊 我得菩提成  
正覺已 所有衆生求生我剎 念吾名号発志誠心堅固不退 彼命終  
時 我令無數苾芻現前圍繞來迎彼人 経須臾間得生我剎 悉皆令  
得阿耨多羅三藐三菩提 世尊 我得菩提成正覺已 所有十方無量  
無辺 無數世界一切衆生 聞吾名号発菩提心 種諸善根随意求生  
諸仏剎土無不得生 悉皆令得阿耨多羅三藐三菩提 世尊 我得菩  
提成正覺已 所有衆生令生我剎 皆具三十二種大丈夫相 一生令  
得阿耨多羅三藐三菩提 世尊 我得菩提成正覺已 所有衆生令生  
我剎 若有大願未欲成仏為菩薩者 我以威力 令彼教化一切衆生  
皆発信心 修菩提行 普賢行 寂滅行 浄梵行最勝行 及一切善  
行 悉皆令得阿耨多羅三藐三菩提 世尊 我得菩提成正覺已 所  
有衆生令生我剎 於一切処承事供養無量百千俱胝那由他諸仏 種  
諸善根 随意所求無不満願 悉皆令得阿耨多羅三藐三菩提 世尊  
我得菩提成正覺已 我剎土中所有菩薩 皆得成就一切智慧 善談  
諸法秘要之義 不久速成阿耨多羅三藐三菩提 世尊 我得菩提成



多羅三藐三菩提 世尊 我得菩提成正覺已 所有十方無量無

無數阿耨多羅三藐三菩提 世尊 我得菩提成正覺已 所有十方無量無

阿耨多羅三藐三菩提 世尊 我得菩提成正覺已 所有十方無量無

不可思議無等阿耨多羅三藐三菩提 世尊 我得菩提成正覺已 所有十方無量無

得天上人間一切有情 尊重恭敬親近侍奉增益功德 成就阿耨多羅

三藐三菩提 世尊 我得菩提成正覺已 所有衆生發淨信心 為諸

沙門婆羅門 染衣洗衣裁衣縫衣修作僧服 或自手作或使人作 作

已廻向 是人所感 八十一生得最上衣隨身豐足 於最後身來生我

剎 成就阿耨多羅三藐三菩提

佛說大乘無量壽莊嚴經卷上

佛說大乘無量壽莊嚴經卷中 西天訳経三蔵朝散大夫試光祿卿明教大

師臣法賢奉 詔訳

爾時作法苾芻白世尊言 我得菩提成正覺已 所有十方衆生 聞

我名号永離熱惱心得清涼 行正信行得生我剎 坐寶樹下証無生忍

成就阿耨多羅三藐三菩提 世尊 我得菩提成正覺已 所有十方一

切阿剎諸菩薩衆 聞我名号 應時証得寂靜三摩地 住是定已 於一

念中 得見無量無邊不可思議諸佛世尊 承事供養 成就阿耨多羅

三藐三菩提 世尊 我得菩提成正覺已 所有十方一切阿剎聲聞菩

薩 聞我名号 証無生忍 成就一切平等善根 住無功用離加行故

不久令得阿耨多羅三藐三菩提 世尊 我得菩提成正覺已 所有十

方一切阿剎諸菩薩衆 聞我名号 已生希有心 是人即得普遍菩薩三摩

地 住此定已 於一念中 得至無量無數不可思議諸佛剎中 恭敬

尊重供養諸佛 成就阿耨多羅三藐三菩提 世尊 我得菩提成正覺

已 於我剎中 所有菩薩 或樂說法或樂聽法 或現神足或往他方

隨意修習無不円満 皆令証得阿耨多羅三藐三菩提 世尊 我得菩

提成正覺已 所有十方一切仏刹聞我名者 応時即得初忍二忍乃至  
無生法忍 成就阿耨多羅三藐三菩提 爾時作法苾芻 向彼仏前発  
如是願已 承仏威神即説頌曰

我今対仏前 而発誠実願  
獲仏十力身 威徳無等等  
復為大国王 富豪而自在  
広以諸財宝 普施於貧苦  
令彼諸群生 長夜無憂惱  
出生衆善根 成就菩提果  
我若成正覺 立名無量寿  
衆生聞此号 俱来我刹中  
如仏金色身 妙相悉円満  
亦以大慈心 利益諸群品  
願我智慧光 広照十方刹  
除滅諸有情 貪瞋煩惱闇  
地獄鬼畜生 悉捨三塗苦  
亦生我刹中 修習清浄行  
獲彼光明身 如仏普照曜  
日月珠寶光 其明不可比  
願我未來世 常作天人師  
百億世界中 而作獅子吼  
如彼過去仏 所行慈愍行  
広無量無辺 俱抵諸有情  
円満昔所願 一切皆成仏  
発は大願時 三千大千界



震動遍十方 天人空界中

散雨一切花 栴檀及沈水

称讚大苾芻 願力甚希有

決定当作仏 広利衆生界

復次阿難 時作法苾芻 对世自在王如来 及天人魔梵沙門婆羅

門阿修羅等 発是願已住真実慧 勇猛精進 修習無量功德 莊嚴

仏刹入三摩地 歴大阿僧祇劫 修菩薩行 不生慳貪心瞋恚心愚痴

心 亦無欲想瞋想痴想色声香味触想 心不迷乱 口不瘖唾 身不

懈怠 但樂憶念過去諸仏所修善根行寂靜行 遠離虚妄堅守律儀

常以愛語饒益衆生 於仏法僧信重恭敬調順柔軟 依真諦門植衆徳

本 了空無相無願無為無生無滅 善護口業不譏他過 善護身業不

失律儀 善護意業清浄無染 所有国城聚落 男女奴眷属 金銀珍

宝 乃至色声香味触等 都無所着 恒以布施持戒忍辱精進禅定智

慧六度之行 利樂衆生 軌範具足善根円満 所生之処 有無量無

数百千俱胝那由他珍宝之蔵 従地湧出 摂受無量無数百千俱胝那

由他衆生 発阿耨多羅三藐三菩提心 如是之行無量無辺説不能尽

復次阿難 作法苾芻行菩薩行時 於諸仏所尊重恭敬 承事供養未

曾間断 為四大天王恒詣仏所 恭敬礼拝承事供養 為忉利天王恒

詣仏所 恭敬礼拝承事供養 為夜摩天王 兜率天王 化樂天王

他化自在天王 乃至大梵天王等 恒詣仏所 恭敬礼拝承事供養

復次阿難 処閻浮提 為転輪王受灌頂位 及大臣官族等 恒詣仏

所 恭敬礼拝承事供養 為刹帝利婆羅門等 恒詣仏所 恭敬礼拝

承事供養 如是経無量無数百千万億劫 親近諸仏植衆徳本 所集

阿耨多羅三藐三菩提

復次阿難 作法苾芻行菩薩行時 口中常出栴檀之香 身諸毛孔

出優鉢羅華香 其香普薰無量無辺不可思議那由他百千由旬 有情  
聞此香者 皆發阿耨多羅三藐三菩提心 復次阿難 作法苾芻行菩  
薩行時 色相端嚴 三十二相八十種好 悉皆具足 復以一切珍寶  
莊嚴兩臂 手中恒出一切衣服 一切飲食 一切幢幡 一切傘蓋  
一切音樂 乃至一切最上所須之物 利樂一切衆生 令發阿耨多羅  
三藐三菩提心

爾時阿難 聞仏説彼作法苾芻菩薩之行 白世尊言 作法苾芻

為是過去仏耶 未來仏耶 現在仏耶 世尊告言 彼仏如來 來無

所來 去無所去 無生無滅 非過現未來 但以酬願度生 現在西

方 去閻浮提百千俱胝那由他仏刹 有世界名曰極樂 仏名無量壽

成仏已來於今十劫 有無量無數菩薩摩訶薩 及無量無數聲聞之衆

恭敬圍繞而為説法 彼仏光明 照於東方恒河沙數百千俱胝那由他

不可稱量仏刹 如是南西北方四維上下 亦復如是 復次阿難彼仏

無量壽 若化円光 或一由旬二由旬三由旬 或百由旬千由旬百千

由旬 或俱胝那由他百千由旬 乃至遍滿無量無辺無数仏刹 復次

阿難 今此光明名無量光 無礙光 常照光 不空光 利益光 愛

樂光 安隱光 解脱光 無等光 不思議光 過日月光 奪一切世

間光 無垢清浄光 如是光明 普照十方一切世界 天龍葉叉乾闥

婆阿修羅迦樓羅緊那羅摩睺羅伽人非人等 見此光明發菩提心獲利

樂故 仏告阿難 我住一劫 説此光明功德利益 亦不能尽 復次

阿難 無量壽如來 有如是百千萬十万百万 一俱胝百俱胝千俱胝

緊迦囉數 頻婆囉數 那由他數 阿由他數 毘婆訶數 嚩娑那數

穰伽數 阿僧祇數 十阿僧祇數 百阿僧祇數 千阿僧祇數 百千

阿僧祇數 阿摩儺野數 不可思議數 如是無量無数声聞之衆 譬

喻算數不能及 阿難 彼大目乾連神通第一 三千大千世界所有

一切童男童女 於一昼夜悉知其數 假使百千俱胝神通之力  
 皆如大目乾連 又一一聲聞 壽百千俱胝那由他歲 盡其壽命數  
 彼聲聞百分之中 不及一分 復次阿難 譬如大海 深八万四千由  
 旬 広闊無辺 假使有人出身一毛 碎為百俱胝細如微塵 以一一  
 塵投海出水 水在塵上形量亦爾 如是投尽毛塵 於意云何 毛塵  
 水多海中水多 阿難白仏言 世尊 毛塵出水未及半合 海水無量  
 仏言阿難 彼目乾連等聲聞之衆 尽其形壽 數知數者如毛塵之水  
 數未盡者如海中水 如是彼仏 有如是無量不可算數聲聞弟子 又  
 彼仏国土大富無量 唯受快樂無有衆苦 無地獄餓鬼畜生焰魔羅界  
 及八難之報 唯有清淨菩薩摩訶薩及聲聞之衆復次阿難 彼仏国土  
 有種種宝柱 皆以百千珍宝 而用莊嚴 所謂金柱銀柱 瑠璃柱  
 頗梨柱 真珠柱 碑磔柱 瑪瑙柱 復有金銀二宝柱 金銀瑠璃三  
 宝柱 金銀瑠璃頗梨四宝柱 金銀瑠璃頗梨真珠五宝柱 金銀瑠璃  
 頗梨真珠碑磔六宝柱 金銀瑠璃頗梨真珠碑磔瑪瑙七宝柱 復次阿  
 難 彼仏国土 復有種種宝樹 根莖枝幹黄金所成 華葉菓実白銀  
 化作 亦有宝樹 根莖枝幹白銀所成 花葉菓実瑠璃化作 亦有宝  
 樹 根莖枝幹瑠璃所成 華葉菓実頗梨化作 亦有宝樹 根莖枝葉  
 頗梨所成 華葉菓実真珠化作 亦有宝樹 根莖枝幹真珠所成 華  
 葉菓実碑磔化作 亦有宝樹 根莖枝幹碑磔所成 花葉菓実瑪瑙化  
 作 亦有宝樹 根莖枝幹瑪瑙所成 花葉菓実黄金化作 亦有宝樹  
 黄金為根 白銀為身 瑠璃為枝 頗梨為梢 真珠為葉 碑磔為花  
 瑪瑙為菓 亦有宝樹 白銀為根 頗梨為身 真珠為葉 碑磔為花  
 瑪瑙為花 黄金為菓 亦有宝樹 瑠璃為根 頗梨為枝 真珠為梢  
 真珠為枝 碑磔為梢 黄金為花 白銀為菓 亦有宝樹 頗梨為身  
 真珠為枝 碑磔為身 黄金為葉 瑪瑙為菓 亦有宝樹 白銀為花  
 頗梨為根 真珠為身 碑磔為枝 瑪瑙為葉 黄金為花 白銀為菓

瑠璃為菓 亦有宝樹 真珠為根 碑礫為身 瑪瑙為枝 黃金為梢  
白銀為葉 瑠璃為花 頗梨為菓 亦有宝樹 碑礫為根 瑪瑙為身  
黃金為枝 白銀為梢 瑠璃為葉 頗梨為花 真珠為菓 亦有宝樹  
瑪瑙為根 黃金為身 白銀為枝 瑠璃為梢 頗梨為葉 真珠為菓  
碑礫為菓 如是極樂世界 七宝行樹 復次阿難 彼仏国土清淨嚴  
飾寬広平正 無有丘陵坑坎荆棘沙礫土石等山 黒山雪山宝山金山  
須弥山鉄围山大鉄围山 唯以黄金為地  
爾時阿難 聞是語已 白世尊言 四大王天忉利天 依須弥山王  
住 夜摩天等当依何住 仏告阿難 夜摩兜率乃至色無色界一切諸  
天 皆依空界而住 阿難白言 空界無礙云何依住 業因果報不可  
思議 仏告阿難 汝身果報亦不可思議 衆生業報亦不可思議 諸  
仏聖力不可思議 彼仏国土雖無大海 而有泉河処処交流 其水或  
闊十由旬 二十由旬 三十由旬 乃至百千由旬 深十二由旬 其  
水清淨具八功德出微妙声 譬如百千万種音樂之声 遍諸仏刹 一  
切衆生聞者適悦得大快樂 又水兩岸 復有無數栴檀香樹 吉祥菓  
樹 花卉恒芳光明照耀 若彼衆生過此水時 要至足者 要至膝者  
乃至要至項者 或要冷者温者 急流者慢流者 其水一一随衆生意  
令受快樂 又於水中出種種声 仏声法声僧声 止息声無性声波羅  
蜜声 力声無畏声 通達声 無行声 無生声 無滅声 寂靜声  
大慈声 大悲声 喜捨声 灌頂声 出如是種種微妙音声 衆生聞  
已 発清淨心無諸分別 正直平等成熟善根 永不退於阿耨多羅三藐  
三菩提心 又彼仏刹其中生者 不聞地獄声 餓鬼声 畜生声 夜  
叉声 鬪諍声 惡口声 両舌声 殺生声 偷盜声 一切惡声 而  
彼衆生 色相端嚴福德無量 智慧明了神通自在 宮殿樓閣 園林  
池沼 衣服臥具 如他化自在天 最上快樂之具 一切豐足 復次

阿難 彼土衆生 思香花等欲供諸仏 作是念時 花香瓔珞 塗香  
抹香 幢幡傘蓋 及諸伎樂 隨意即至滿仏刹中 若思飲食湯藥  
衣服臥具 頭冠耳環 真珠羅網等 隨念即至亦遍仏刹 又復思念  
摩尼宝等 莊嚴宮殿樓閣堂宇房閣 或大或小或高或下 如是念時  
隨意現前無不具足

復次阿難 譬如有人少少財宝 对受灌頂位刹帝利王所有威勢悉  
皆不現 又刹帝利对天帝釈前 所有威勢悉皆不現 又天帝釈对他  
化自在天 所有威勢悉皆不現 又他化自在天等 及色無色界一切  
威勢 对無量寿如来極樂国土 悉皆不現 如是彼土功德莊嚴不可  
思議

復次阿難 彼仏国土每於食時 香風自起吹動宝樹 樹相振觸出  
微妙音 演説苦空無常無我諸波羅蜜 復吹樹花落於地上 周遍仏  
刹高七人量 平正莊嚴柔軟光潔 行人往来足躡其地深四指量 如  
迦隣那触身安樂 過食時後 是諸宝花隱地不現 經須臾間復有風  
生 吹樹落花布地面上 如前無異 初夜後夜亦復如是

復次阿難 彼仏国土無其黒闇 無其星曜 無其日月 無其昼夜  
無其取捨 無其分別 純一無雜 唯受清浄最上快樂 若有善男子  
善女人 若已生若当生 是人決定証於阿耨多羅三藐三菩提 於意  
云何 彼仏刹中無三種失 一心無虚妄 二位無退転 三善無唐捐  
復次阿難 東方有恒河沙数世界 諸仏如来出広長舌相 放無量

光説誠実言 称讚無量寿仏不可思議功德 南方亦有恒河沙数世界  
諸仏如来出広長舌相 放無量光説誠実言 称讚無量寿仏不可思議  
功德 西方亦有恒河沙数世界 諸仏如来出広長舌相 放無量光説  
誠実言 称讚無量寿仏不可思議功德 北方亦有恒河沙数世界 諸  
仏如来出広長舌相 放無量光説誠実言 称讚無量寿仏不可思議功

徳 如是四維上下 恒河沙數世界 諸仏如来出広長舌相 放無量  
光説誠実言 称讚無量寿仏不可思議功德 阿難 於意云何 欲令  
衆生聞彼仏名 発清浄心憶念受持 帰依供養求生彼土 是人命終  
皆得往生極樂世界 不退転於阿耨多羅三藐三菩提

復次阿難 若有善男子善女人 聞此經典受持誦書寫供養 昼

夜相續求生彼刹 是人臨終 無量寿如来与諸聖衆現在其前 經須

臾間 即得往生極樂世界 不退転於阿耨多羅三藐三菩提

復次阿難 若有善男子善女人 発菩提心已 持諸禁戒堅守不犯

饒益有情 所作善根悉施与之 令得安樂 憶念西方無量寿如来及

彼国土 是人命終 如仏色相種種莊嚴 生宝刹中賢聖圍繞 速得

聞法永不退転於阿耨多羅三藐三菩提

復次阿難 若有善男子善女人 発十種心 所謂一不偷盜 二不

殺生 三不淫欲 四不妄言 五不綺語 六不悪口 七不両舌 八

不貪 九不瞋 十不痴 如是昼夜思惟極樂世界無量寿仏 種種功

徳種種莊嚴 志心帰依頂礼供養 是人臨終 不驚不怖心不顛倒

即得往生彼仏国土 有無量無数諸仏世尊 称讚無量寿仏功德名号

聞是法已 永不退於阿耨多羅三藐三菩提

仏説大乘無量寿莊嚴經卷中

仏説大乘無量寿莊嚴經卷下 西天訳経三蔵朝散大夫試光禄卿明教大

師臣法賢奉 詔訳

復次阿難 東方恒河沙數仏刹 一一刹中 有無量無数菩薩摩訶

薩 及無量無数声聞之衆 以諸香花幢幡宝蓋 持用供養極樂世界

無量寿仏 南方恒河沙數仏刹 一一刹中 亦有無量無数菩薩摩訶

薩 及無量無数声聞之衆 以諸香花幢幡宝蓋 持用供養極樂世界

無量寿仏 西方恒河沙數世界 一一仏刹 亦有無量無数菩薩摩訶

薩 及無量無數聲聞之衆 以諸香花幢幡寶蓋 持用供養極樂世界  
無量壽佛 北方恒河沙數佛刹 一一佛刹 亦有無量無數菩薩摩訶  
薩 及無量無數聲聞之衆 以諸香花幢幡寶蓋 持用供養極樂世界  
無量壽佛 四維上下亦復如是 各禮佛足 稱讚佛土功德莊嚴 爾  
時世尊即說頌曰

東方世界恒河沙

一一刹中無數量

菩薩聲聞發勝心

各以香花寶蓋等

持至莊嚴佛刹中

供養如來無量壽

供已禮足而稱讚

最上希有大福田

如是西南及北方

四維上下恒沙界

聲聞菩薩數亦然

皆以香花伸供養

禮足旋繞懷敬愛

復讚如來宿願深

積集功德普莊嚴

無量無邊極樂國

諸佛國界雖嚴飾

難比如來寶刹中

復以天花供養佛

花散虛空為傘蓋

縱広量等百由旬

色相莊嚴無有比

遍覆如來宝刹中

互相慶慰生歡喜

曾於過去百千劫

積集無量衆善根

捨彼輪廻三有身

今至解脱清淨刹

爾時彼佛無量壽

化導他方菩薩心

密用神通化大光

其光從彼面門出

三十六億那由他

普照俱胝千佛刹

如是人天普照已

即入如來頂髻中

時會一切諸衆生

敬歎佛光未曾有

各各俱發菩提心

願出塵勞登彼岸

爾時世尊

說此偈已

會中

有観自在菩薩 即從座起合掌向仏 而作是言 世尊 以何因縁  
無量壽仏於其面門 放無量光照諸仏刹 唯願世尊方便解説 令諸  
衆生及他方菩薩 聞是語已生希有心 於仏菩提志樂趣求人不退位  
爾時世尊告観自在菩薩言 汝今諦聽吾為汝説 彼仏如来 於過  
去無量無辺阿僧祇劫前 為菩薩時発大誓言 我於未來成正覺時  
若有十方世界無量衆生 聞我名号或頂礼憶念 或称讚歸依 或香  
花供養等 如是衆生速生我刹 見此光明即得解脱 若諸菩薩見此  
光明即得受記証不退位 手持香花及諸供具 往十方界無辺浄刹  
供養諸仏而作仏事增益功德 経須臾間復還本土受諸快樂 是故光  
明而入仏頂

復次阿難 無量壽仏正等覺 所有菩提之樹 高一千六百由旬

四布枝葉八百由旬 根入土際五百由旬花菓敷栄 作無量百千珍宝

之色 於其樹上 復以月光摩尼宝 帝釈摩尼宝 如意摩尼宝 持

海摩尼宝 大緑宝 莎悉帝迦宝 愛宝瓔珞 大緑宝瓔珞 紅真珠

瓔珞 青真珠瓔珞 及金銀宝網等種種莊嚴

復次阿難 每於辰時香風自起吹此宝樹 樹相敦触出微妙音 其

声普聞無量世界 衆生聞者無其耳病 乃至成就阿耨多羅三藐三菩

提 若有衆生見此樹者 乃至成仏 於其中間不生眼病 若有衆生

聞樹香者 乃至成仏 於其中間不生鼻病 若有衆生食樹菓者 乃

至成仏 於其中間舌亦無病 若有衆生樹光照者 乃至成仏 於其

中間身亦無病 若有衆生觀想樹者 乃至成仏 於其中間心得清浄

遠離貪等煩惱之病 仏告阿難 如是仏刹花菓樹木 与諸衆生而作

仏事 皆是彼仏過去大願之所攝受

復次阿難 彼仏刹中所有現在及未來生 一切菩薩摩訶薩 一生

令得阿耨多羅三藐三菩提 若有菩薩 以宿願故入生死界 作獅子



吼利益有情 我令随意而作仏事

復次阿難 彼仏刹中 一切菩薩及諸声聞 身相端嚴円光熾盛

周廻照耀百千由旬 有二菩薩 身光遠照三千大千世界 阿難白言

此二菩薩有大身光 其名云何 仏告阿難 二菩薩者 一名觀自在

二名大精進 現居此界作大利樂 命終之後当生彼国

復次阿難 彼仏刹中一切菩薩 容貌柔和相好具足 禅定智慧通

達無礙 神通威徳無不円満 深入法門得無生忍 諸仏秘蔵究竟明

了 調伏諸根身心柔軟 安住寂静大乘涅槃 深入正慧無復余習

依仏所行七覚聖道 修行五眼照真達俗 弁才総持自在無礙 善解

世間無辺方便 所言誠諦深入義味 度諸有情演説正法 三界平等

離諸分別 無相無為無因無果 無取無捨無縛無脱 遠離顛倒堅固

不動如須弥山 智慧明了如日月朗 广大如海出功德宝 熾盛如火

焼煩惱薪 忍辱如地一切平等 清浄如水洗諸塵垢 如虚空無辺

不障一切故 如蓮華出水 離一切染故 如雷震響 出法音故 如

雲鬣鬣 降法雨故 如風動樹 発菩提芽故 如牛王声 異衆牛故

如龍象威 難可測故 如良馬行 乘無失故 如獅子坐 離怖畏故

如尼拘樹 覆蔭大故 如須弥山 八風不動故 如金剛杵 破邪山

故 如梵王身 生梵衆故 如金翅鳥 食毒龍故 如空中禽 無住

処故 如慈氏觀 法界等故 如是菩薩遍滿仏刹 吹法螺 豎法幢

擊法鼓 然法灯 離過清浄無迷無失 手中出生花鬘瓔珞塗香鉢香

一切供具 持往百千俱胝那由他仏刹 供養諸仏 復於手中別出宝

花 散虚空中化成宝蓋広十由旬 或二十由旬 乃至百千由旬 遍

諸仏刹 經須臾間還来本国 無愛無着 無取無捨 身心寂静

仏告阿難 此諸菩薩 我土五濁之所無有 經百千俱胝劫説不能

尽

仏告阿難 吾今此土 所有菩薩摩訶薩 已曾供養無量諸仏植衆  
徳本 命終之後 皆得生於極樂世界 阿難 汝起合掌面西頂礼  
爾時阿難 即從座起合掌面西 頂礼之間忽然得見極樂世界無量壽  
仏 容顔广大色相端嚴如黄金山 又聞十方世界諸仏如来 称揚讚  
歎無量壽仏種種功德 阿難白言 彼仏浄刹得未曾有 我亦願樂生  
於彼土 世尊告言 其中生者菩薩摩訶薩 已曾親近無量諸仏植衆  
徳本 汝欲生彼 应当一心帰依瞻仰 作是語時 無量壽仏於手掌  
中 放無量光照于東方百千俱胝那由他仏刹 於此世界 所有黒山  
雪山 金山宝山 目真隣陀山 摩訶目真隣陀山 須弥山 鉄冢山  
大鉄冢山 大海江河叢林樹木 及天人宮殿 一切境界無不照見  
譬如日出明照世間 亦復如是 爾時會中 苾芻苾芻尼優婆塞優婆  
夷 天龍藥叉乾闥婆阿修羅迦樓羅緊那羅摩睺羅伽人非人等 皆見  
極樂世界種種莊嚴 及見無量壽如来 声聞菩薩圍繞恭敬 譬如須  
弥山王出于大海 爾時極樂世界 過於西方百千俱胝那由他国 以  
仏威力如对目前 又見彼土清浄平正 譬如海面無有丘陵山嶮草木  
雜穢 唯是衆宝莊嚴 聖賢共住  
復次阿難 又彼無量壽仏 与諸菩薩声聞之衆 亦皆得見我身及  
娑婆世界菩薩声聞 人天之衆  
爾時世尊 告慈氏菩薩言 汝見極樂世界功德莊嚴宮殿樓閣園林  
台觀流泉浴池不 慈氏汝見欲界諸天 上至色究竟天 雨種種香花  
遍滿仏刹 作莊嚴不 汝見菩薩声聞浄行之衆 而作仏声演説妙法  
一切仏刹皆得聞声 獲利樂不 汝見百千俱胝衆生 遊処虚空宮殿  
隨身不 慈氏菩薩白仏言 世尊 如仏所説一一皆見 慈氏白言  
云何此界一類衆生 雖亦修善而不求生 仏告慈氏 此等衆生智慧  
微浅 分別西方不及天界 是以非樂不求生彼 慈氏白言 此等衆

生虚妄分別 不求仏刹何免輪廻 仏言慈氏 極樂國中有胎生不  
慈氏白言 不也世尊 其中生者 譬如欲界諸天 居五百由旬宮殿  
自在遊戯 何有胎生 世尊 此界衆生 何因何縁而処胎生 仏言  
慈氏 此等衆生 所種善根不能離相 不求仏慧妄生分別 深着世  
樂人間福報是故胎生 若有衆生 以無相智慧植衆徳本 身心清淨  
遠離分別 求生淨刹趣仏菩提 是人命終 刹那之間於仏淨土坐宝  
蓮華身相具足 何有胎生 慈氏汝見愚痴之人不種善根 但以世智  
聰弁 妄生分別增益邪心 云何出離生死大難 復有衆生 雖種善  
根供養三宝作大福田 取相分別情執深重 求出輪廻終不能得 仏  
告慈氏 譬如受灌頂位刹帝利王 置一大獄 於其獄内 安置殿堂  
樓閣鈎欄窓牖床榻座具 皆以珍宝嚴飾所須衣服飲食無不豐足 爾  
時灌頂王 驅逐太子禁閉獄中 復与錢財珍宝羅紈匹帛 恣意受用  
仏告慈氏 於意云何 彼太子得快樂不 慈氏白言 不也世尊  
彼中雖有堂殿樓閣飲食衣服錢帛金宝隨意受用 身閉牢獄心不自在  
唯求出離 仏告慈氏 若灌頂王不捨其過 彼諸大臣長者居士等  
可令太子免禁獄不 慈氏白言 王既不捨云何得出 仏言 如是如  
是 彼諸衆生 雖復修福供養三宝 虚妄分別求人天果 得報之時  
所居器界宮殿樓閣 衣服臥具飲食湯藥 一切所須悉皆豐足 而未  
能出三界獄中 常処輪廻而不自在 仮使父母妻子男女眷属欲相救  
免 終不能出邪見業 王無能捨離 若諸衆生断妄分別 植諸善本  
無相無着 当生仏刹永得解脱 慈氏菩薩白言 世尊 今此娑婆  
世界及諸仏刹 有幾多菩薩摩訶薩 得生極樂世界 見無量寿仏  
成就阿耨多羅三藐三菩提 有七十二俱胝那由他菩薩摩訶薩 已  
曾供養無量諸仏植衆徳本 当生彼国親近供養無量寿仏 成就阿耨

多羅三藐三菩提

復次阿難 難忍仏刹 有十八俱胝那由他菩薩摩訶薩 生彼国土

寶藏仏刹 有九十俱胝那由他菩薩摩訶薩 生彼国土 火光仏刹

有二十二俱胝那由他菩薩摩訶薩 生彼国土 無量光仏刹 有二十

五俱胝那由他菩薩摩訶薩 生彼国土 世灯仏刹 有六十俱胝那由

他菩薩摩訶薩 生彼国土 龍樹仏刹 有一千四百菩薩摩訶薩 生

彼国土 無垢光仏刹 有二十五俱胝那由他菩薩摩訶薩 生彼国土

獅子仏刹 有一千八百菩薩摩訶薩 生彼国土 吉祥峰仏刹 有二

千一百俱胝那由他菩薩摩訶薩 生彼国土 仁王仏刹 有一千俱胝

那由他菩薩摩訶薩 生彼国土 花幢仏刹 有一俱胝菩薩摩訶薩

生彼国土 光明王仏刹 有十二俱胝菩薩摩訶薩 生彼国土 得無

畏仏刹 有六十九俱胝那由他菩薩摩訶薩 生彼国土 悉皆親近供

養無量壽仏 不久当成阿耨多羅三藐三菩提 仏言慈氏 如是功德

莊嚴極樂国土 滿彼算數無量之劫 説不能尽 若有善男子善女人

得聞無量壽仏名号 発一念信心 帰依瞻礼 当知此人非是小乘

於我法中得名第一弟子

仏告慈氏 若有苾芻苾芻尼優婆塞優婆夷天龍藥叉乾闥婆阿修羅

迦樓羅緊那羅摩睺羅伽人非人等 於此經典書写供養受持誦誦 為

他演説 乃至於一昼夜 思惟彼刹及仏身功德 此人命終速得生彼

成就阿耨多羅三藐三菩提

復次慈氏 今此經典甚深微妙広利衆生 若有衆生 於此正法受

持誦誦書写供養 彼人臨終 仮使三千大千世界滿中大火 亦能超

過生彼国土 是人已曾值過去仏受菩提記 一切如來同所稱讚 無

上菩提隨意成就 仏言慈氏 仏世難值正法難聞 如來所行亦隨

行 於此經典作大守護 為諸有情長夜利益 莫令衆生墮在五趣莊

嚴獄中 令諸有情種修福善求生淨刹

爾時世尊而說頌曰

若不往昔修福慧 於此正法不能聞

已曾供養諸如来 是故汝等聞斯義

聞已受持及書寫 誦誦讚演并供養

如是一心求淨方 決定往生極樂國

假使大火滿三千 及彼莊嚴諸牢獄

如是諸難悉能超 皆是如来威德力

彼仏利樂諸功德 唯仏与仏乃能知

声聞縁覚満世間 尽其神力莫能測

假使長壽諸有情 命住無数俱胝劫

称讚如来功德身 尽其形壽讚無尽

大聖法王所說法 利益一切諸群生

若有受持恭敬者 仏説此人真善友

爾時世尊 説此法時 有十二俱胝那由他人 遠塵離垢得法眼淨

八百苾芻 漏尽意解心得解脱 天人衆中 有二十二俱胝那由他人

証阿那含果 復有二十五俱胝人 得法忍不退 復有四十俱胝百千

那由他人 発阿耨多羅三藐三菩提心 種諸善根皆願往生極樂世界

見無量寿仏 復有十方仏刹 若現在生及未來生 見無量寿仏者

各有八万俱胝那由他人 得然灯仏記 名妙音如来 当得阿耨多羅

三藐三菩提 彼諸有情 皆是無量寿仏宿願因縁 俱得往生極樂世

界 仏説是語時 三千大千世界六種震動 雨諸香花積至于膝 復

有諸天於虛空中 作妙音樂出随喜声 乃至色界諸天 悉皆得聞歎

未曾有 爾時尊者阿難及慈氏菩薩等 并天龍八部一切大衆 聞仏

所説皆大歡喜信受奉行

仏説大乘無量寿莊嚴経卷下